



Qib 6
Tsev Kawm Ntawv Theem Nrab
Lus Piav Qhia Txog Cov Txuj Kawm (Course Descriptions)
Sheboygan Koog Tsev Kawm Ntawv

English Language Arts 6 (Yuav Tsum Kawm) Kev Kawm Tus Cag Lus

Hoob no qhia txog kev kawm nyeem ntawv, sau ntawv, mloog cov lus, thiab hais lus. Cov me nyuam siv cov tswv yim nyeem ntawv thaum lawv nyeem txog ntau zaj ntawv xam muaj cov dab neeg luv luv, cov dab neeg ntev, thiab cov dab neeg qhia txog tej yam tseeb. Cov me nyuam yuav xaum sau ntawv rau ntau yam xws li sau cov sob ntawv, cov dab neeg luv luv, thiab lwm zaj dab neeg luv. Yuav siv tus qauv sau ntawv kom raug raug thiab sau kom yog rau tej lub sij hawm.

Math 6 (Yuav tsum kawm) Leb 6

Hom Kawm 1 no npaj rau plaub yam tseem ceeb no: (1) kev sib txuas sib piv (ratio) thiab ntsuas nqi piv (rate) rau tus zauv tag nrho laij leb sib npuaj (multiplication) thiab sib fiab siv lub tswv yim ntawm kev sib txuas sib piv thiab ntsuas nqi piv no los daws cov teeb meem; (2) ua kom tiav kev nkag siab ntawm kev faib cov leb muaj feem (fractions) thiab ncav mus rau lub ntsiab ntawm tus leb (notion of numbers) rau ntawm tus qauv qhia txog cov leb, uas xam muaj cov leb suav dhau qab ntawm lub voj (negative numbers), (3) sau ntawv, txhais, thiab siv cov zauv sib laij (expressions) thiab rooj zauv uas ob tog sib npaug (equations); thiab (4) tsim kom muaj kev nkag siab txog cov kev xav tswv yim tob.

Science 6 (Yuav Tsum Kawm) Kawm Txog Txhua Yam Tshwm Sim

Qhov plhaus nkas qhia txog txhua yam tshwm sim (science) qhia txog lub ntiaj teb, yam muaj sia, thiab tej yam tshwm sim. Cov me nyuam yuav muaj lub fwj tsam los mus kawm kom to taub cov tswv yim no zoo dua qub thiab tsim txoj kev nkag siab zoo los ntawm txoj kev nqi tes ua (lab), nyeem txog thiab sau ntawv.

Social Studies 6 (Yuav Tsum Kawm) Kawm Txog Tib Neeg Kev Tshwm Sim Ua Ke thiab Txhua Yam

Hoob no nthuav txog tsib yam ntawm kev kawm txog ntiaj teb no (geography) thiab cov ntsiab ntawm tej pab pawg kab li kev cai. Cov me nyuam yuav kawm txog tias tib neeg nyob li cas los ntawm txoj kev kawm txog ntiaj teb no, kev khwv noj kev khwv haus, kev kawm ua nom tswv, tib neeg kev tshwm sim los (anthropology) thiab tib neeg kev coj noj coj ua los (sociology). Cov txheej txheem tsim los ntawm The 2018 Wisconsin State Standards yog lub hauv paus uas cov ntaub ntawv no tshwm sim los nrog txoj kev nug. Muaj kawm txog tej xov xwm tshwm sim niaj hnub no nyob rau cov tshooj kawm no.

Physical Education 6 (Yuav Tsum Kawm) Kawm Txog Lub Cev Ua Kom Muaj Zog

Cov me nyuam yuav koom rau ntau cov txuj thiab yuav txhawb txog kev dhia ua si kom lub cev muaj zog. Cov me nyuam yuav rov kawm txog thiab yuav xyaum cov txuj kawm thaum nyob theem yau thiab yuav kawm txog kev sib koom tes ua pab pawg, cov kev cai, thiab kev xyuam xim. Yuav hais txog kev koom tes los ntawm txhua tus me nyuam tias yog ib yam tseem ceeb heev txawm tias nws muaj los tsis muaj lub peev xwm ua. Cov txuj kawm muaj xws li yoj tes taws (aerobic activities), ntaus tis qab, cuam pob (basketball), dov pob (bowling), ua kom ib ce muaj zog, cab pob (floor hockey), cuam pob khiav (football), ua cov txuj lwm yam, cuam pob kom ceev, (speedball), cuam pob me (softball), ntaus pob (volleyball), thiab nqa hlau kom muaj zog.

Health 6 (Yuav Tsum Kawm) Lub Cev Kev Noj Qab Nyob Zoo

Hoob kawm txog lub cev kev noj qab nyob zoo yog ib hoob tsim los pab cov me nyuam txog kev tswj tus kheej, kev sib raug zoo, pab tswv yim kom tsis txhob ua yeeb tshuaj, thiab pab qhia txog kom tsis txhob thab plaub zes neeg. Cov me nyuam yuav kawm txog cov tswv yim los pab kom lawv muaj peev xwm txog lawv tus kheej, muaj tswv yim daws teeb meem, tsis txhob tshuam muaj kev nyuaj siab thiab kev ntshai, thiab kom paub tswj lub siab chim. Cov me nyuam yuav khaws tau cov tswv yim kom muaj peev xwm daws tau tej teeb meem nyuaj ntawv yus tus kheej xwsli tsis txhob txaj muag, txuas lus kom meej meej, tsim kom muaj kev phooj ywg, tsis txhob thab plaub zes neeg, thiab tsis txhob nrhiav teeb meem phem. Cov me nyuam yuav tsim cov tswv yim los mus tiv thaiv tus kheej ntawv lwm tus txoj kev quab yuam kom haus luam yeeb, hauv dej caw, thiab lwm yam tshuaj. Yuav pib nthuav txog kev kawm txog tib neeg lub cev kev loj hlob (Human Growth & Development) rau hoob kawm txog lub cev kev noj qab nyob zoo ntawm qib 6 no.



Qib 6
Tsev Kawm Ntawv Theem Nrab
Lus Piav Qhia Txog Cov Txuj Kawm (Course Descriptions)
Sheboygan Koog Tsev Kawm Ntawv

STEM 6 (Yuav Tsum Kawm) Txuj Ci Tshiab

Yuav qhia cov me nyuam txog cov tswv yim thiab cov koom uas tau hloov lub ntuj uas lawv nyob. Kawm txog kev tseem ceeb ntawm kev nyab xeeb kev tso siab, peev xwm daws teeb meem, thiab kom muaj kev txaus siab txog tej khoom zoo yog cov tswv yim kawm yuav tham txog los ntawm cov qauv thiab kev tsim cov khoom no. Tam li ib feem ntawm cov ntaub ntawv kawm PLTW, cov me nyuam yuav tshawb nrhiav txog tias lub zog hluav taws xob (energy) cuam tshuam peb cov neej thiab lub ntiaj teb zoo li cas. Ib feem ntawm hoob no, cov me nyuam yuav tsim ib tug qauv (design) thiab qhia txog lwm yam zog ntawm hluav taws xob thiab koom rau ib lub rooj (energy expo) nthuav txog cov zog ntawm hluav taws xob los qhia txog cov tswv yim ntawv cov zog hluav taws xob thiab cov tswv yim tshiab no. Cov me nyuam kuj tseem yuav kawm txog lub ntuj ntawm kv siv cav siv tshuab (automation), siv cov khoom muaj hlwb hlaus (robotics) thiab kev ua kom cov hlaus no khiav taus li cas (coding) los ntawm ntau yam yuav xyaum ua thiab ntau yam kev sib tw ua. PLTW yog ib txoj kev kawm siv thoob teb chaw no uas tom siab rau txoj kev kawm txog kev tsim txuj tsim tshuab tshiab (engineering) thiab kev daws teeb meem.

FACE 6 (Yuav Tsum Kawm) Tsev Neeg Kev Ua Neej

Cov me nyuam yuav ua tej yam nqis tes ua uas yog cov txuj yuav tsum tau muaj hauv tsev neeg thiab tom hauj lwm es thiaj khiav num tau zoo. Peb yuav siv chav ua noj haus los kawm txog kev xyuam xim, kev tu kom hu sis txhob ua mob, siv khoom thiab cov kauj ruam ua khoom noj raws li daim ntawv sau zaub mov. Yuav tham txog kev noj qab nyob zoo, xaiv yam zaub mov kom zoo rau yus thiab xaiv txoj kev ua neej kom zoo rau yus. Me nyuam yuav kawm txog cov tswv yim zov me nyuam thiab tu tus kheej thaum nyob hauv tsev ib leeg. Peb yuav kawm txog cov tswv yim siv rau nyiaj txiag uas yog los ntawm phau ntawv hu Take Charge Today es pab cov me nyuam to taub txog nyiaj txiag. Nyob rau hauv hoob no cov me nyuam yuav kawm muaj kev sib raug zoo txog kev nyeem ntawv ntawm tsev neeg cov num thiab sib raug nrog cov txuj tshiab txhawb tsev neeg.

Art 6 (Yuav Tsum Kawm) Txuj Ci Kos Duab

Hoob yuav tsum kawm no qhia me nyuam txog cov tswv yim kos duab. Txoj kev kawm no muab faib ua 4 tshooj kawm: kos duab, kawm txog kev siv kob xim/zas xim, puab los yog txua khoom thiab tsim tswv yim kos duab ua khoom tshiab. Cov me nyuam yuav muaj lub fwj tsam los kawm txog ntau yam khoom siv los ua duab los sis siv los ua cov khoom kov tau ua muaj 2 seem 3 seem (2D & 3- dimensional).

Life Readiness 6 (Yuav Tsum Kawm) Npaj Txhij Rau Lub Neej

Hoob no muaj cov qauv rau me nyuam kom lawv muaj cov fwj tsam los xyaum txog thiab xyaum siv cov tswv yim rau ntawm cov chaw uas nrog phooj ywg es muab kev sib txhawb, kev loj hlob kev hlav ua ke, thiab kawm los ntawm lwm tus. Tam li cov me nyuam kawm tsev kawm theem nrab, hoob no, kuj yuav xyuas txog lub neej tom ntej ntawm txhua tus me nyuam uas kawm txog cov tswv yim yuav pab tag nrho cov me nyuam kawm qib 6 rau lawv thawj lub xyoo kawm theem nrab. Txoj kev npaj rau Qib 6 Tsev Kawm Ntawv Theem Nrab Lus Piav Qhia Txog Cov Txuj Kawm (Course Descriptions) Sheboygan Koog Tsev Kawm Ntawv Last Update: February , 2021 Page 3 of 3 txoj kev kawm thiab lub neej ua dej num tom ntej yog ib kauj ruam uas yuav tau pib thaum nyob qib 6 thiab yuav kawm mus tag rau peb lub xyoo thaum kawm theem nrab.

General Music 6 Qib 6 Hu Nkauj thiab Suab Pajnrug (Yuavtsum kawm yog tsi tau kawm hoob Qib 6 Hu Nkauj)

Hoob no yog qhia txuas ntxiv rau kev xyaum nyeem kom paub tej suab nkauj, txawj hu nkauj, txawj mloog tej suab pajnrug, thaib sau tej nkauj los suab nkauj uas pib thaum kawm ntawv theem yau tuaj lawm. Nyob rau hoob no, menyuam yuav los kawm txog keebkwm ntawm tej nkauj los suab pajnrug thiab tibneeg kev coj rau tej lub caij nyoog. Hauv hoob no, menyuam yuav pib xyaum seev tej suab nkauj kom sib thwj thiab xyaum seev tej suab nkauj rau cov nkauj muaj ob lub suab. Cov menyuam kawm rau hoob no yuavtsum tau mus koom tej lub koobtsheej uas yog mus sawv pem samthiaj hu nkauj rau sawvdaws mloog.



Qib 6
Tsev Kawm Ntawv Theem Nrab
Lus Piav Qhia Txog Cov Txuj Kawm (Course Descriptions)
Sheboygan Koog Tsev Kawm Ntawv

Choir 6 Qib 6 Hu Nkauj (3535 Ib Semester - Kawm los hloov hoob Hu Nkauj thiab Suab Pajnuag)

Hoob Qib 6 Hu Nkauj no yog rau tus menyuam uas nyiam hu nkauj heev thiab xav nyob rau hauv tej pab uas tau mus koom tej koomtxoos kev hu nkauj. Hoob no yog kawm txuas ntxiv ntawm cov kev xyau seev suab nkauj uas twb kawm thaum nyob rau tsev kawm ntawv theem yau los lawm thiab yuav kawm ntxiv txog kev seev suab hu nkauj uas muaj ib lub suab mus txog cov nkauj uas muaj txog peb lub suab ntawd. Tus menyuam uas kawm hoob no yuavtsum tau koom nrog tej lub koobtsheej uas muaj mus sawv pem samthiaj hu nkauj rau sawvdaws mloog, nrog rau kev koom lub rooj hu nkauj (concert) ib hmo nyob rau hauv lub semester kawm ntawv.

WIN 6 (Yuav Tsum Kawm) Yam Kuv Xav Tau Kev Pab Rau

WIN (What I Need) txhais tau tias Yam Kuv Xav Tau Kev Pab Rau yog ib hoob tsis muab khab nais es hoob no yog ib hoob pab txhawb cov txuj kom zoo dua rau cov me nyuam uas xav tau kev pab ntxiv rau cov kev kawm ntawv. Ntxiv thiab, cov me nyuam uas xav tau kev pab txhim kho ntxiv, kev txhawb nqa, thiab pab kom paub lwm yam txuj ntxiv rau lub sijhawm no. Rau cov me nyuam uas xav tau kev pab kom ua tau zoo dua ces yuav siv lub sijhawm no los ua kev sib tw rau cov me nyuam no.

Band 6 (Kawm Mus Tag Xyoo – Xaiv Kawm) Koos Paj Nruag

Hoob kawm Koos Paj Nruag 6 qhib rau txhua tus me nyuam uas xav kawm tshuab twj paj taub (brass), tshuab raj (woodwind) los yog cov twj koos paj nruag (percussion). Cov me nyuam xyau tau nws cov txuj rau nws zaj paj nruag thiab xyau ua ke ua pab pawg es kawm cov txuj yas suab sib dhos (rhythms), nyeem yas suab (notes), thiab cov lus siv rau kev kawm yas suab ntaus koos paj nruag. Cov me nyuam kuj kawm txog cov yas suab paj nruag ntawm lwm haiv neeg, cov keeb kwm dhau los, thiab xyau kawm txog ntau hom twj. Cov me nyuam yuav siv kev tawm tswv yim los uas kom dhos (improvisation), sau yas suab (composition), tshuaj ntsuam txog yas suab, thiab tawm suab tham los kawm txog yas suab paj nruag. Cov me nyuam koom rau hoob no yuav muaj lub fwj tsam los nthuav tawm cov txuj thiab nthuav tawm rau Tsev Kawm Ntawv Theem Nrab Lub Koom Txoos ntaus yas suab paj nruag (Middle School Music Festival). Cov me nyuam yuav koom hauv chav kawm thiab koom ua tej pab tej pawg tsawg zog los kawm lawv cov yas suab. Ntxiv thiab, cov me nyuam yuav nthuav tawm cov txuj rau 2-3 lub koom txoos paj nruag rau yav tsaus ntuj mus rau ib xyoo.

Orchestra 6 (Kawm Mus Tag Xyoo – Xaiv Kawm) Twj Paj Nruag Xim Xaus

Hoob kawm txog Twj Paj Nruag Xim Xaus 6 qhib rau txhua tus me nyuam xav kawm ntaus xim xaus violin, viola, cello, los yog string bass. Cov me nyuam xyau tau nws cov txuj rau nws zaj paj nruag thiab xyau ua ke ua pab pawg es kawm cov txuj yas suab sib dhos (rhythms), nyeem yas suab (notes), thiab cov lus siv rau kev ntaus koos paj nruag. Cov me nyuam yuav xyau tawm tswv yim los uas kom dhos (improvisation) thiab sau yas suab (composition). Lawv yuav siv lub tswv yim tawm suab tham txog thiab kev tshuaj ntsuam txog yas suab los xav txog cov yas suab lawv hnov. Nws yog ib qhov kev cia siab kom cov me nyuam yuav tsum koom cov caij teem xyau hauv chav kawm, thiab xyau ua pab ua pawg tsawg zog los kawm cov yas suab no thiab koom rau kev nthuav tawm cov txuj rau 2-3 lub koom txoos paj nruag rau yav tsaus ntuj. Yeej txhawb kom cov me nyuam koom rau Tsev Kawm Ntawv Theem Nrab Lub Koom Txoos ntaus yas suab paj nruag (Middle School Music Festival) tab sis yuav tsis yuam kom koom.